

四庫全書

集部

欽定四庫全書

丹陽集卷十六

宋 葛勝仲 撰

四言詩

嘲茶山

吳興紫笋實產顧渚唐昔底貢闕山芽吐隼旗出臨虎
巖親駐鄰邦刺史金匏相遇木瓜堂前穿雲浥露烹蒸
包發及春未暮天子稱珍分甘當路今則不然名毀勢
去金沙弗湘玉食弗御敷榮窮山牢落誰顧如女失寵

空閨自嫫請以千金買長門賦

茶山解嘲

衆萬之生於世暫寓一債一興孰知其故退黜奚戚進
升奚慕豈以通塞顧改常度有如我翁昔嘗掀翥戴纚
垂纓去天尺五今屏山城亦皆時數左右佩劔疇可笑
侮翁具退省前言大悞用與不用智力何預幸同此邦
邂逅承晤結為金蘭安此貧素

五言古詩

閱訟訴忽疲起卧少頃復視事

平明坐早衙投鉅來相踵訟牘鼠雀暗吏行鳬鷺擁外
臺竦風稜檄至亟須捧以身為形役効去顧未勇病骨
瘦欒欒衰髮希種種

送鄧寧民罷瑕丘簿

火雲燒晴空大暑金石流行人口生烟千里無停輶胡
為趣遵路僚好挽莫留自言為升斗往日辭親遊兒嬉
膝前歡三載不可求所得較所失輕重真不侔于茲滿

秩歸子職冀稍修微官亦何樂觸事有庶尤米鹽聒雙
耳簿領昏兩眸畏首復畏尾人役不得休豈無讀書暇
頃刻但少偷幸此案上歷數日獲到頭白雲已在眼喜
色津津浮我亦厭羈官如苦南冠囚羨子有行色去若
登崑丘更書縱未下投効行當謀

次韻良器真意亭探韻

并序

晉宋二史皆載陶淵明不肯束帶見鄉里小兒遂棄
彭澤歸意謂淡於榮利足名高隱不知道所以訾之

也古之達人勝士語默隱顯如固有淵明襟量如止水澄之撓之未易清濁豈以把板屈腰嬰意遽違初心哉以陶集考之程氏妹新娶居急於撫親故在官纔六旬遽歸爾豈惟二史失辭杜拾遺王右丞輩固一臭味也然杜詩云淵明避俗翁未得為達道觀其著詩集頗亦恨枯槁有子賢與愚何其挂懷抱王書云陶潛不肯見督郵棄官後貧乞食詩云扣門言辭拙是屢乞而多慙也一慙之不忍乃終身慙乎蓋人

我攻中之累也世人不知淵明類若此淵明何訾焉
某自年來頗知景仰其素風到海寧築亭於南溪之
上取其雜詩句名以真意今顯東良器諸公相率飲
酒賦鉅篇彊韻舂容豪逸配古名筆矣模寫景物不
復餘蘊獨恨不道淵明因次良器韻呈五君子書其
後

我愛陶淵明脫穎深天機叢菊遶荒徑五柳搖幽扉生
逢邠金興典午勢已非著書但甲子歲晚頻歔歛仕宦

聊復爾樽酒真馬依南畝猶種秫西山同採薇浩歌歸
去來嘉微恨晨暉迷途往莫諫今是庶可幾蓄琴但取
意不施絃與徽觀其四八目賢喆在所希出處固有意
夫豈輕行違誰云憚束帶辭榮俄拂衣念彼同產人撫
視因遄歸平生共志趣但有一瞿妃少陵罪責子頗謂
達道非右丞鄙乞食更以人我譏乃知第一流尚此知
音稀妙詩發天奧流轉同衡璣自謂處人境喧無車馬
駢心與塵事遠地偏堪遁肥東籬秋色晚悠然望翠微

真意不可辨佳氣隨鳥飛詩辭向千載凜凜猶光輝我
生但晞驥望之有等威行懷斜川游坐想栗里磯九原
不可作築亭傍崔嵬獨取詩句名欄宇殊飛翬崑谷有
杳靄花卉無紛菲修篁寒逼人坐如霜雪飛諸公賞清
致野服馳韉轡經丘復尋壑不憚歷嶮崎壺觴更命醕
藻翰各一揮高談破滯論妙處端解圍食冷或屢暖哦
詩寧忍飢褒假猥見及責善非所祈願以靖節語佩之
如絃韋

送魯守罷任赴闕四首

材大多不容論剛苦難受儒玄閱三朝偉馮今白首曾
中有藏室設張動掣肘人言專城樂聊結新安綬獨喜
衆毀言不及河東守三年四寶堂紅梅傾白酒出處固
有在兒輩浪奔走豈復恨典籤得州大如斗

老人聚扶杖兒啼使君前習知使君清一觴代一錢六
城十萬戶焉依刺史天刑清艾作鞞俗朴蒲為鞭赭衣
入佗郡關戶得晏眠州鄉大作社擊壤歌康年左轡忽

照路更借知無緣願公治者廣此惠周幅員

陽城拙催科賈誼困遷謫騎曹呼馬曹罰滿何止百一
笑為闊畧坐免投此幘鈴齋父黨尊均禮不賜隔人疑
典午公豈嘗有此客連年三露章慰薦飛絡繹自慙骨
相屯顧使議見格途窮窘論報紙札謾搖擘

紫陽如佳人晝靄送征舳含愁入長眉盡斂故時綠語
兒已在眼歡迎走僮僕舊社問扮榆新逕開松菊還家
聊作客行色催輦轂同升紗籠人拔士有豐祿會當出

水鏡一洗凡眼肉躋榮赤墀塗雁門詩可復

充學叙舊呈子充

羲和無停輪年鬢日夜改惟有金蘭心歲晚依然在
憶四門館研席同諸生聯名理朱穆結駟留陽城縞紵
初定交車裘容共敝駿馬馳春風休沐章臺市年少未
涉道惟論場屋文鼻息拂霄漢心期勇風雲春闈鎖儒
仙試席兩心競閨仙時乞靈孤懿肯移病喜君先得桂
時我猶飄蓬鳳凰黃鵠歎振手國門東離羣十周星為

僚一都會涵牛鼎烹鷄邑小非材配理縣不用譜政如
密與蒲糗水代厨傳木索閒庭除肯憐冰子窮夜凍午
不粒緋袍累故人口腹煩安邑更迂長者轍來顧空宇
中坐令羈官興不復嘆秋風

立秋日六兄將仕先入都赴銓試會飲東郊作
詩送之

缺月耿疎林涼飈拂輕袵荒溪趣遵塗客子敢安枕自
言赴銓府試判取微廩清時廣招延選部雜流品門子

萃金張文人富曹沈春秋兩較試器業一精審探珠到
淵洄求金自沙塲騰裝分區區蓄志常懍懍家翁昔初
仕恬退聲藉甚求閒絕外慕行義鄙中徃以茲久淹蟠
通籍才十稔飄然宦游倦遽以歸休論優恩得世祿綸
告下綈錦兄材濟世美聖讀近天稟所長皆蓋人無一
可鐫鏤擣辭昔賢均說經餘子噤臨書蛇蚓結搗琴魚
鮪淦辛勤客虞庠藜藿就烹飪謂當妙穿楊百中羽皆
飲如何遭刖頻歸步每踣蹉茲行定焚舟已事空拾瀋

將期冠羣英喜劇不能寢

送友赴試鉅野送之西門時方有外舅之戚極
目無聊歸不得卧作詩五首却寄以風雲入壯

懷為韻

三吳炊未熟祇命挈挈東鉉刀一何補糧食賦類宮寥
寥坐空廬寂寞如揚雄引脰望南境不及馬牛風何如
廣文飯終歲與子同年顏吾老矣癡愚心尚童子雖齒
髮少操行一老翁豈獨友于厚政賴博我功儒玄各精

詣袞袞傾談叢欲知不常處乃在阿堵中

此子早樹立抗志高浮雲委蛇處州巷頗以雋秀聞挾
書從我遊追琢益自勤便便經與史用志初不分疑篇
了咄嗟確論摧紛紜文辭近道要見者筆為焚差肩魯
諸儒藹藹揚清芬秋風濟陽戰足掃千人軍只今呼賀
酒佇子歸策勲

寒齋篁竹間牆屋久不葺旁穿及上漏雨過滿床濕忍
飢哦詩書亭午或未粒先生自不飽濡沫豈能及出門

有紛奢囊空自羞澁世事不如意八九更論十問君胡
不歸肄業乃其急自言苦心志更覺聰明入誰能學仲
卿夜抱牛衣泣說經已鏗鏗青紫真可拾

寥寥里選空齷齪士風喪狂瀾欲東之汎濫不可障詞
場自銜鬻相與計留放夸毗徒一名傾排至千狀不知
厲術業徒欲擠輩行黃生獨往資風義古人抗悠悠哀
俗中此士真可壯

江南一紙書沉憂割中懷嗟予足憂患生世苦不諧忽

忽子行色適與遠計偕破涕彊出祖尊酒不及排還歸
坐講肄寒篠搖空齋推門誤相從忽驚形影乖誰云阻
一舍目斷真天涯念子早自力清明播朋儕觸熱赴夷
路跨馬脚不鞋自言取鄉送通顯資其階臨別何以贈
手板裁香楷

寄題長安譚損之遐觀閣

乾坤一浩蕩小智自窘拘低徊禪中蟲齷齪輟下駒達
人獨矯首抗志在八區歸來繞荒徑所喜覺迷途時讀

穆滿傳乍觀山海圖
林木淨交蔭
所見與道俱
誰能遠
羈宦五斗一丈夫
築閣者誰子
無乃柴桑徒

次韻張宏道勸釋奠致齋

齋居屏塵務
況復儒宮清
木落必糞本
祭菜敢不誠
瑚簋見三代
錯落羅兩楹
骨冷破夢境
虛窗坐黎明
祠官趣盥頽
珊珊環佩聲
巍巍素王像
視若四海營
當時杏壇士
與享彰華纓
樂教屬昭代
弟子陳歌笙
端如從陳蔡
琴舞紛縱橫
元功流萬祀
德大徧諸生

次韻盧行之知原見贈

元豐詩禮將勲畧傳萬口長城國西陲寄託十年久折
箠咎黜羗游魂屢窮走羊公緩裘帶李廣靜刁斗黑頭
已青雲日昃笑擊缶陰功與忠諫二俱宜有後繩繩丈
夫子茂宰最稱首不裁猶能裁應有既盡有丘墳三十
車習復不置手尚友千載人豈論骨已朽芳蘭秀深林
嘉芭就菑畝宜為數旬客顧作三日婦行聞尺一來內
閣延枚叟

次韻季明

我生任飄蕩所向如虛舟誰能涉險難入此正急流行
止兩無累自遂逍遙游巉路豈不佳夙意非所留迎親
四門館登道初麥秋政喜寢門近敢言征路悠山陽雨
連月平陸不可求居將雜蛙黽渚不辨馬牛淮湖共瀰
漫以為行者憂今朝好風色歌笑輕陽侯紅鱗上圍圉
可以供殽羞便呼拍浮船甘味苴兩頭坐待缺月掛玉
斧亦可修酩酊聊自彊淹速非人謀數程次京國猶待

半蓐收相從共蒲酒賴有嵇阮儔

再和示李明

劍不用置履柏非可為舟古來倜儻士渠肯甘凡流君
材早邁往華問馳交游高文筆如掃雋辨舌不留白黑
自了了皮裏藏陽秋擁卷得淵旨奮辭祛繆悠身雖不
求人政自人所求恢恢有餘刃所見無金牛亨衢恐不
免位遇豈足憂初官三語掾審克裨藩侯退公豐暇裕
問學日益羞行為孔獨誦端以賈長頭嗟余過立境沒

沒謝蘊修廣文一飯足其他非所謀勝境定時訪良書
亦可收但恐與君別無復往朋儔

誦金剛經滿二藏偶作

我誦大智度非疾無日空銅爐海岸香亦復充淨供積
數向洛义而實未嘗誦凡諸有為法實如幻泡夢一字
本不立况有千百頌不受一切法乃遣預流衆於法有
所得十八成不共妙理端會心筌蹄那復用

妙淨院

入門無行路十頃漲方塘藉葉受微雨瑟瑟瀉滄浪石
梁一何偉延袤百肘長臨流兩華屋東西蔚相望雲堂
始斷手潤蒸松桂香弛檐諧雲卧何殊贊公房夜步庭
除月心與空水涼世人侈居第規永庇蒸嘗墓木未及
拱破鬻何披猖何如施給園千載綿寶坊君看寺前村
至今俞氏昌

原注唐俞氏捨
宅為寺故云

禪靜寺

古寺鄰曹崇怪石羅庭戶奇礪漫難名鬱林不知數集

虛竦蒼桂左紐真獨步兩詩照丹壁好在支與許

原注寺有

毛令及維琳詩

却坐留芳軒松竹發佳趣山行未覺疲更問勞

勞路

採芝菴明辨師求泉名以月光命之

方池冽寒泉湛湛纓可濯其源出陽崖其委則陰壑齊
孟給晨炊茗椀共午酌道人習水觀趺坐閒兩屬性水
了真空非以識心度浮幢諸剎海視身同不涸為名月
光泉永配一宿覺

已丑次梅溪樂平寺兄子宗丞嘗監鎮即寺為
廨卒官晚之東莊

蘭陵華腴姓數不到吾族何堪從子賢變滅石火速早
舉東堂桂宗寺副惇睦迎親官就此半載歡水菽方開
萬里塗一蹶遽折軸我時跼里居十起媿骨肉竭來訪
遺蹤徙倚寒溪曲人與紫梅花二俱不可續憂端齊前
山東莊寫松竹

次去非韻簡元忠使君

翻飛墮青冥巖邑漫濡跡脫無賢已交久矣去移疾興
州天下士竒節非碌碌魁然索價高未肯輕沽玉居閒
時過我端若右尹夕文詞天分工沈詩更任筆蟬連語
入微不覺聽更僕舊交半廊廟勲閥藏帝錄母寧一麾
出不屈數旬客五十始過二榮途尚努力才資況加人
何止什與百是事姑置之秋日方在翼鮮鮮黃金花冷
艷照牆屋郊原沐時雨枯槁蘇霑足城南天息河流水
有令德相攜共擊汰泛此寒湜湜

九月二十四日陪少蘊左轄飲朱氏林亭以朱

行中寄其弟詩為韻席上同賦

蕭晨天宇澄雲物掃氛霧寒飈振飛藿策策商聲中官
散無町畦出若孤雲縱仰懷山中相隱居隣二仲駕言
訪精舍連日食指動午坐烹茶龍夜飲燒燭鳳殷勤數
啗我省煩慚閔貢美哉澄空隄松竹鎖巖洞怪石初平
留嘉樹橐駝種山水有清音招隱詩可誦初如叩清角
乍若聽幽弄窺臨已不惡況乃陪營從清談木霏屑圓

機盤走永清寒逼吟魄不起梨雲夢半生了官事今假
幸少空坐有第一流不飲宜自訟人生行樂耳急若奉
漏甕東山恐不免袞職行登用槎通天衢升茅茹諸賢
共惟有數奇人辛苦仍耘耔

蒙左轄復次韻見寄復賦一首

四海吳興公嗜學屏塵霧妙齡儀天朝獻納言必中軒
軒雲鵬升洋洋壑魚縱內庭大手筆傳班真伯仲武庫
富所藏砥柱屹不動翫麟妨居中大觀俄歸鳳歸來一

丘壑彈冠謝王貢業義懸雷山窈窕琦玕洞奇礪不待
輦桐竹已前種神畀賈長頭天扶孔獨誦衡霍縮地來
林深聽幽哢軒池攬風月杖屨屏營從山貲自足了不
待燒鉛汞斯文未應喪審象俄入夢巖廊翊元化告猷
無日空上游倚韜鈴出聽秣陵訟方將膾劉闢行酒羸
萬甕急流自勇退惟深閤神用行藏亦何常此道聖賢
共終為巖野霖且並茗溪對

盆池放魚呈曹文中

小魚如針鋒大魚如柳葉舍之石斛中潏潏逝鱗鬣秋
毫麤與粃腹果意各愜渺如在湖海不歎杯水狹笑之
復自笑邑小大邦攝搖足已恐墮一動不敢輒廩人給
五斗饘粥周兒妾雖然頗自適攜杖園日涉豈羨蟬冕
窟遷擢等常獵漆園信知魚非惟常夢蝶

辛卯次霧山大明院進士萬廷老介來謁

石橋跨斯干路轉得佛廟叩鐘集黑衣迎我千指闍龍
宮五十軸金碧爛相照空翠霑我襟冥濛認堂奧無乃

張公超五里方術妙鄰居一逢掖作名宦為倒莫言山
未深終當隱玄豹

寄友卿窄韻一首

昔子遊魯中飄然起幽棲脩脩一書簾長物無所攜辛
勤涉長道足趼面目黧自言寡聞識走俗多沉迷今不
勇自奮蹉跎將噬臍類渴欲石髓如矇想金篦來蓬冑
子席求言學端倪嗟予淺聞道太倉之一稊松菊有荒
徑桃李無成蹊胡能使穀似每每頽顏低晨昏不予舍

三歲改攝提對案但首荷有泰多無鷄一笑為流啜甘
若羊新剗秋霜八九月締絡臨風淒寧甘范叔寒不求
故人綈夜窗經與史短檠照栖栖靡曼一不顧端如金
日碑嘉子甚年少老成同齒齟照庭真玉樹飮座稱佳
梨為文頗挺拔絕去翰墨畦聲華出諸彥籍籍喧青齊
遂收濟北薦謂即辭蒿藜如何尚齟齬時命多乖睽方
今天子聖隆學古與稽美化浹遼夏文星動婁奎郡邑
各黌宇夏屋華棣題師儒自廷授望實多金閨大烹極

鼎味豈復嗟鹽齏月書季有考升舍茲其梯吾邦矧多
士擅富浙水西文華燦星斗光彩騰虹霓似聞與二難
同起公堂躋侃侃共輝映乳酪兼酥醞文高各揚邁質
美皆懸黎生資固不凡器用况已犀先生力推引同志
無傾擠亨塗可自致如車資輓輓明年拔寒俊一封下
芝泥鄉校佇賓貢跋馬登隋堤談笑取通顯豈直組與圭
張周韓侍御遷居北市示詩次韻

神羊厭我冠銅虎出分土一區久未卜薄遽歸無所寓

居得爽塏衆口粗安堵委懷榮槁外長歌樂韶武自言
倦霜臺筆端有蕭斧毋寧乞小愒松菊問衡宇未看武
當山聊踏南梁鼓浮生皆寄耳莫作飄流苦要津況虛
位掀騰在仰俯政恐尺一來均人隔綏撫

朱偃吹笛

李謨弄梁州獨孤生竊笑聲既雜夷樂

原注
龜茲

疊復誤水

調區區許雲封女子稱商肖天寶小部樂能使玉妃醺
論竹取雲夢不老不可少七月望一周生伐以此料韋

郎銜名管半曲裂數竅風流渺無繼是子差可教安得
君山翁漁艇已陵道擲捻三五聲萬籟發天妙清音徹
四山猿鳥驚飛噉大管藏合拱直俟元君召

壬辰次靈峯山百福院

豺虎縱鬱攸此寺神獨赦樓臺倚山腹碧瓦桀相射奔
崖插雲霄縮地見衡華竹翠染僧裾泉聲喧佛舍峰巒
佳有餘顧揖真不暇我欲陟山椒磴嶮未應怕摩娑舊
聖石政恐嫌俗駕感慨明義師徘徊一悲咤

披雲崖

深公出東都山色已清好流行滄江上快意時絕倒洗
盡眼界塵招提迹如掃衆挽來靈山世故亦相惱平生
愛山心不厭更幽討捫蘿開細岑脫履藉豐草聊煩坡
陀石坐此突兀老是身端如雲去住殊未保孤峯起孤
烟晴湖漾晴昊賓主兩忘言可為知者道

跋胡德輝

理詩卷

一官三語掾驅車大河北飯澁羹亦稀哦詩寫胸臆作

者非難到已自入閭域郵筒遠相餉我豈今衡尺粗能
適隴雲亦不誤雌霓千里得行記了了所見歷士材有
如此磊落固易識寄語直指公勿作寒蟬默

德輝次舊韻見寄復和

和溝別清揚十稔限南北羈游多面交從誰吐心臆初
筵羣玉府香譽藹區域如何窾言加進寸輒退尺歸來
賦郊居邀客賞冰霓青雲一感易斜飛要游歷水鏡豈
無人瑾瑜固易識君子有常道要不失語默

題柘城懷古亭

陳本太姬封卒以夏姬亂君臣同宣淫父子並遘患直
諫洩治死詐忠巫臣竄郢兵討少西昊墟且為縣嗚呼
女戎禍陳祚僅如綫餘波及羊古伯石實首難我行徑
株林懷古一興歎流波似當時惟有城東渙

癸巳次古浮山普慈寺

老人百念冷看山獨不足未能尋地肺聊復訪天目路
出古浮山木杪飛華屋松迷突兀殿雲鎖窈窕谷高閣

藏複道朱欄穿屈曲義和隱崑崙借此休騶僕小摘園
中疏充我屬饜腹緬懷我多翁草廬親卜築意恃金七
藥終亦戢一木不如學無生妙諦祖身毒

甲午次東天目山紫陽觀梁武初置昭明太子

勒碑紀當時恩獎之盛

蕭公老寺主亦復知尋真大同築精舍招延羽衣賓園
囿廓數里嚴更紛徼巡東宮奮鴻筆紀事傳堅珉山基
半吳境高與帝所隣偉哉古石室空洞容千人當年許

遠遊自此升玉宸至今雪山草靈苗雜荆榛幽池湛寒
水亦說棲龍鱗靈物有變化誰能窮其神窺臨擬仙去
未信隔兩塵

乙未次普信院與首座惟表談道

蓐食起紫陽憩寺始亭午清幽釋子居山影落窻戶樓
臺互相臨雲石聚可覩陰崖溜清泉甘美過牛乳山僧
立勝事爭以筠筒股表公久遊方妙諦明佛祖雖未衆
拆床已見屨滿戶相攜環翠堂身覺度飛羽登臨固已

往況乃真吾土

余謫沙陽地僻家遠遇寒食如不知蓋閩人亦
不甚重其節也感而賦詩五首以杜子美無家
對寒食五字為韻

往歲遇寒食親賓相與娛飄零客異土對之渾若無豈
不念佳節寸心愁欲枯花間有好鳥勸我提胡盧一醉
聊自適醉夢歸東吳


異縣遇寒食悵然懷我家千里遙相望各在天一涯佳節

無與同冉冉悲年華鳴禽花底聒舞燕風中斜物情
各自在羈束誠可嗟

天涯遇寒食嘉節無與對獨酌一盃酒慷慨使心痺來
者復可追既往那復悔脩然畎畝心敢忘犬馬愛之推
自欲隱去去何所慙

嘉節遇寒食春陰猶作寒閩人不知重渾作等閑看飴
粥不復煮青楓誰與鑽開窗延霽景脩竹正團欒翠眉
雙侍女對此一樽殘

逐客已淒涼矧復值寒食花深日遲遲院靜春寂寂雨
餘山吐青日落霞掃赤浙江渺何在三月無消息棄置
勿復陳吾心乃如石



[illegible]

欽定四庫全書

集部

丹陽集卷十七

詳校官庶吉士_臣張溥

侍讀_臣孫球覆勘

謄錄監生_臣龍舜耕

欽定四庫全書

丹陽集卷十七

宋 葛勝仲 撰

五言古詩

涉汝詩

并序

汝河在臨汝門外半里所余屢携客坐河橋上觀水
石搏激為雷霆洶湧之聲然未泛舟也今歲秋七月
甲子連雨三月水暴漲數丈渺如湖海始招三舟携
二子出泛以微熱不敢率去非昆仲歸作是詩

居官行兩周出郭劣半里名稱臨汝守初未涉汝水今朝破巨浪萬頃寄一葦源從天息山此地乃其委青嵩正北踴紫邏復西峙兩岸千萬峯落影照清泚下瀨劇迅速舟輕如激矢周南滯留恨此假聊一洗悵無周旋人同載如郭李似聞汝陰湖楊塵清潁尾醉翁漾舟處無復碧染指歲月供感慨人事有遷徙茲水美洋洋正堪行樂耳

再和涉汝詩呈去非伯仲

清汝如荆溪不異我州里奔流相逐感敢謂衣帶水携
賓泛漫汗畫鷁延緣葦出城散腰脚朱墨逃紛委却望
城中塔烟林隱孤峙何人貌清景墨筆可就泚幽尋要
關捷善飽未遺矢塵纓政堪濯凡髓亦可洗不須學東
山韶顏載桃李顧當似白傅玉粒炊船尾膾縷斫鮮鱗
遣客動食指風流得意事一官不願徒脫有戚戚時晤
言消之耳

送姪元延之官

浮游五嶺南，屐裙徧遷客。寵以黿冠詩，獨步文章伯。十年未得調，浪有聲華白。來寧未死叔，知費幾馬策。相携泛清汝，壺酒映山碧。肯嗣陳留風，一笑飲為劇。清途子初延，我老欲投劾。出處政參辰，此歡寧易得。

俞居易

侯

兄弟並時為屬邑，長示其父所藏東

坡送行詩，用其韻跋卷末。

吾州兩支邑，伯季俱鳴琴。清談一傾倒，疊疊正始音。文室賴芝蘭，藥籠資桂參。猥示晏楹書，什襲緘藏深。好事

識雅趣揚美知孝心躋榮荷門基行矣勲業尋

戊戌次福勝院

錦溪足墟落高陸推繁華宜惟邑屋富政自山水佳幽
清背人境千柱梵王家巍巍二子亭雲表飛簷牙我生
功名忤崑壑為生涯山僧類祝田施薄求者奢乞書鳴
剎疏無鵝惟潑茶一笑為涉筆勿笑蟠秋蛇

比作青蘿山塔記并徐敏求墓銘皆蒙宏道為
書作詩以謝

文苑無飛聲碑板謬見赴結因時佞佛書美間諛墓從
僚乞正書見許不嫌屢虞筋與柳骨濃纖皆合度浮海
觀鴻戲挾石逢貌怒吾文敢言絕驥尾蠅所附它年翰
墨場不朽知有助

次長清寺

迎賓一紅亭棟宇飛半嶺松筠引幽步以漸入佳境陰
風起澗壑凜冽噤蛙黾歸雲擁僧袂飛溜入茶鼎搯筇
薰風閣玉溪兩峯並中闕認牢山一點煙鬟整我來見

所見賈恨在俄頃丘樊絕泥滓鍾鼎值機穽老逐黑衣
居此心真炯炯

至南陽却寄吳興諸僚

震州推不去游食歲月久尺一從天來換作秦頭守迎
新無竹馬記舊已芻狗迂愚敢護前警發賴鞭後獨坐

百花堂還憶百花酒

原注南陽百花洲有百花堂
而吳興上醞謂之百花酒

與襄陽太守張亞仲

顏幾

泛漢江

春波漲醖醑綠淨疑染黛神女昔江臯翫珠仍解珮沙

光射目明浪影搖風碎樂哉今日遊放溜舞滂湃華觴
挹空闊疊鼓助擊汰仰視白銅堤岑樓飛綵繪遊女凭
危欄紛若五家隊真想謝窘拘意有千里快遠岸指煙
藍飛流羅水磴尚想競渡時千船唱何在

襄陽大悲院作

善財叩補陀大千一彈指我行無神足重趂二百里中
年逢百罹所欠但一死稽首聞薰王覲以俗障洗魚山
彊讚述文汚梵書度

原注予嘗為觀音讚文行於世

自憐迷本聞云何

見大士覺與所覺空根脫不用耳圓融聲度垣變現月
映水臂目恒河沙如幻本一理以是見觀音文殊亦如
是

乾明院作

我欲乞襄陽驅車峴山址文弔杜征南酒酣羊叔子披
榛訪二碑事辭俱俊偉高賢千載後遺魄猶登此一官
推不去事故違願始不如造乾明山名亦相似交流千
斛乳未減漢江水遐眺真不惡悲傷未燭理湮沒與垂

名趨死皆一軌我與同遊人痛飲共擇旨生前一杯重
恨山無石髓預憂名不傳却笑鄒從事

遊峴山

山隨宇宙結千古真冉冉登臨足攬勝茲來余復忝山
椒聳太華夷路謝躋險溶溶鴨頭水綠淨衣可染漁師
網槎頭盡以紅鮮掩金刀鱸縷飛來佐華觴前修俱
鬼錄勲闕謾琬琰谷虛禽響答月皎煙華斂同登幸曠
士形迹孰拘檢長嘯揖清流一洗鄒湛諂

次韻葉夢得遊西余山

秋霖喜新霽，裹飯山中遊。遙指大夫橋，閒泛野人舟。追
隨得勝客，雅趣同滄洲。山路已清絕，顥氣况萼收。亂石
蹲狼羊，蒼官聳髯蚪。古寺亦何有，森森瀟灑侯。忘懷一
笑粲，更以大白浮。翰林廊廟姿，席珍韞天球。如何問三
徑，更復尋一丘。升高濫投足，陟險眩迴眸。洞庭四萬頃，旁
占鐺脚州。中有東西山，千奴熟霜秋。孤亭快寫望，欲去
更少休。菟裘便可卜，何必依先疇。徘徊共懷古，徂歲真

如流封侯昔此地顧余乃諸劉一朝失茅土窘急須人
周雍門曲池嘆事往將何求雲木餘參錯烟崑自深幽
人生行樂耳慎勿曲如鉤

栢悅堂宴集晚移望嶽亭德升有詩復次韻

陰森美章園爽塏背塵陌紛紛辟疆家勝處此其伯登
危覽幽竒寬敞盪喧窄層層綠陰暗中有孤花拆三品玩
伏虎兩部當鳴蜩主人延客眼清映壺觴碧茂宰工撥
煩恢恢秦刀騶議郎兼語掾闔府畏跼踏仇梅諸鉅公

燕笑歡一席寒予但空餐營職無半策文墨彊抽身林
池同息跡金火爭伏見執熱如焚炙頗願百斛船浮浮
兩頭拍嶽雲揮晴空移尊及未夕清飈起四座肅肅生
羽翮人生不謀歡帶眼計月瘠誰能較榮槁瑣尾論干
澤相從飲文字一笑百憂釋歌呼到爾汝坐待霜月白
歸軒踏清影光謝紗籠赫

幽居夙興

宴安毒于鴆嗜睡真成蛇攬衣待明發是味豈不佳天

宇自澄穆羣鷺肅無譁喔咿雞一鳴衆星猶撒沙皂莢
類頭目楊枝清齒牙爐中結願香淨几對名花澄懷覩道
祕浮念無由邪欠伸起三昧雲錦升朝霞

蒙莫伯鎔餉酒携即菁村元舉山莊賞菊坐客
皆稱歎以詩二首謝

野飲政自樂何庸拘束交窮居闕醇旨逼此歲欲凋冷
仙歛照坐開嘗驚韻高秋空映黃菊氣澄掃微霄携之
壽佳客豈諱十里勞供釀者誰子頗疑人姓焦三杯反

淳朴一醺破鬱陶酒材兼譜至我醉吟今朝

迷塗不自覺坐見六秩交霜髮凜無幾況此日夜凋所
寄在酒盞傾銀不辭高澆我磊塊宵那復氣干霄手開
赤泥封不辦呼孟勞乍紓愁腸回亦沃渴肺焦君甚似
江州媿我非姓陶為僚且親串酌我非一朝

謝洛師蔡尹靖餉酒

叩門赤縣尹來餉青州酒底貢上天閨餘瀝到衰朽開
嘗正及卯醇旨異失酉公不數瑤泉家還卑玉友我時

苦無悵愁緒不論斗紛紛方寸亂飛絮起風柳呼兒共
一尊盍盍純氣守豈惟詩膽大更覺魔軍走寄謝魏陽
元頻望掃愁帚

和韻荅馬用宏

綴朝散

三吳汗漫遊彌月沐風雨歸來駭貧舍忽有金剛杵豈
惟心疾失頓覺頭風愈句如冰壺清格類瓦棺古五言
有與境此段得箋詰吾衰久寂寂笑人憂鄧禹自貶豈
不能趨競虞姍悔洞庭巖壑秀信美真吾土秋濤浮乾

坤日月互吞吐中有七十山招提稱踵武歸命兩足尊
一洗俗諦苦但喜經翻貝那知檄馳羽鐘魚走諸刹衲
席詎安處洞天隔塵寰仙境一二數毛公金丹成拔宅
已輕舉空餘朝斗壇遺址猶可覩法城有龍象今作西
山主淨瓶逗真機松枝代揮麈示我第一義金篦破昏
瞽清遊懷清標所恨隔笑語茅廬新墜塗戶牖木僅斧
劇談佇公來相望十里許

用宏見和復和一首

荒鷄號將晨不改風及雨高賢兩投分定交從曰杵心
期久彌堅膠漆比孰愈有初顧隙未賣友起中古五交
有形狀孝標能訓詁邈哉彈冠契王陽知貢禹秉權獻
巧妍失時輒輕侮管鮑貧時交此道棄如土孟嘗唾其
面憤懣聊一吐翟公書其門薄夫常接武蹇予不知量
拔士偏寒苦見欺多校人覈實失子羽歸來蓬蒿園弔影
甘窮處知舊棄如遺那復見比數誰知荊州丞厚德能
克舉任安窮不去平仲久更覩詩文連慰藉詞鋒設賓

主刻藤快展讀如坐對談麈惜哉華國文乃以觀矇瞽
春容寫河漢寒窘笑三語才凡特俎豆德薄更藻斧玉
卮實無當深恐累稱許

海昌從中散兄游硤石東西山及讚山而別兄
獨游黃灣諸山寺寵寄三詩因追述前遊却寄

相從十日歡預恐別淚滴重謀訪林壑庶復延晷刻好
山塵一舍何惜蠟兩屐東湖浸坤軸浩蕩臨鵬擊方舟
穩睡餘帆已收硤石東山號紫微數殿聳金碧我祖鍊

金膏井湫湛寒色
飈輪已仙去千古留玉液
當年善逝師福壤
眼獨識上方子亭高俯
睨衆山脊空濛雲海寬
想像人境隔夜投涵虛閣
萬籟森已寂軟脚旋呼尊亦
復兩顴赤黎明登西山岌岌動人魄
華榜揭靈池審公存故迹
高堂坐白衣巍巍妙智力道傍兩精舍
聯步徧游陟讚山特超峻四雙舊飛錫
綠猗環高竿蒼髯矯千尺吳越峯巒秀
羅列在几席情賞未云厭六龍俄已昇
轉溪遂分袂惻愴不能食還家得詩筒
妙語粲珠璧具

載黃灣游恨不逐飛翼流光信駒隙薄宦只雞肋他年
倦招尋畫圖追舊歷

硤石寺聞繫豬明不能食

夜聞刺豕聲哀號欲趨死黎明肉入饌念之難啟齒口
腹我可賒性命彼所恃右軍惋烹鵠東家嗅供雉

七月一日招道祖劇飲

長卿已倦游十年安澤國越鳥巢欲南鷓鴣飛懶北會
予亦蹭蹬從子寄岑寂有酒時相邀歡飲終未劇今當

大火流似聞姊喪釋羽書靜追呼樂禁通考擊掃除北
窻涼招速東床客暫勤車騎都來輟春秋癖白啖苦無
賴紅顏因暫惜畦蔬擷菰韭園果剥梨棘金齏薦子鵝
銀條膾玄鯽弓彎舞袖寬珠貫歌聲激景升陋三雅淳
于能一石擬取醉輶投慵持詩燭刻浮生百年幻且盡
一朝適莫待佐稽山對案空相憶

諸人見和復次韻

淵明事獨往謀酒不謀國引壺自酌罷高卧幽窻北孤

松供盤桓五柳伴幽寂時赴中道邀未覺體小劇八旬
棄縣令忻若重負釋安石登冶城清談工剖擊竹林事
游燕百金費羣客絲竹聊寫情副此栢鐺癖歲晚白雞
夢頽齡天不惜二士俱好飲世運屬艱棘身今掃閒軒
紅蕖蔭魴鯽遠挹環峯秀下臨湍水激得酒且盡歡何
人壽金石不如更添燭夜漏淹晷刻醺酣便逃禪酩酊
非閑適從教醉謬誤黎明不能憶

次韻章堦道祖

倅山居

我本丘壑人負乘輒致寇歸來卧湖海夢斷三接晝尚
餘憂國心帶眼日驚瘦騰裝居景山飄飄雲出岫門無
長者轍相見誰肯就吾甥相國孫款我裏糴糗禪闕有
聖解已語則無咎兩庵同相攸卜隣殆天授登盤無櫛
櫛客居必見宥富貴應自知不詢唐舉壽

病起二首

春風散頑陰我亦除積痼客居有園林得暇輒一過殘梅
雪尚積曲沼春已波儻或不近酒如此推遷何

人生身後名孰得還孰失豈若一杯酒聊復得永日如
何杜陵老感難百憂集不飲孰忘憂飲多或生疾惟其
疾之憂已矣兩相直

立方和韻復和一首

屬疾大廢食始進一麥麻客至闕均禮呼兒辦瓜茶冷
落乏勝事病苦將日加兒曹解人意為潑閩嶺茅山深
生意足香味冠百嘉依稀仙掌露髣髴石橋花過盞謝
新法失杯戒憎蛇甘我舌三寸澆我書五車餘瀝均學

子少長各有差何須待鞠脰此段固已佳人生草頭露
迅晷堪驚嗟適意貧亦樂鍾鼎來何賒今朝復何幸濯
暑分流霞蘇息問蒼生欲泛牽牛槎

錢氏通惠泉

山翁徹骨清日飲一瓢水天公隱其窮殆將貽石髓先
敕西神君一派疏清泚初驚石罅出盈科來未已其瀦
為淵潭其匯則沼沚酌比九隴泉錫味參差是一甌紫
筍春牙頰留甘美餘波共濯纓澣沫邀洗耳山中有異

事喜甚屐折齒長安昊天觀秦吳隔千里妄云脉絡通
道人真疎矣寄語贊黃公未應停水通

謝興之餉魚肉二醬二首

貧厨不舉火素拙沒與乾拾煤未為飢猶有食一簞拜
嘉欣二醬顧尚闕晨餐快啗亂蒸肫那學武子奢瓶中
乏儲米請粟望子華佳醢得新味羞豆應當加

盜盜鵝兒酒風厄起微浪何以侑芳樽蓴羹調得醬羶
肩與魚乙佳惠過臺餉黃雀釀披綿江鱖斫玉板對之

無留觴固已號佳饌持此配藜羹更增貧士報

送同郡識上人遊圓覺問道慈受

道人獨往韻半生服行衣專門施氏易編脫屢絕韋文
詞繁藻火片語不救飢棄家學心法感歎悟昨非兩年
飽三白屏棄甘與肥南行訪道師芒屨常輕飛側聞長
者寺塔廟俱巍巍堂堂第一代龍天共瞻依騰裝來見
語舍是將安歸勉旃叩玄旨心花發清輝

東莊院

此君如佳士得一不為少如何彌崗巒十里青未了泉
源湛山椒紅亭藏縹緲奔流瀉萬丈穿林下縈繞居僧
惜泉出少借作溪沼冰霜濺沫亂琴筑仙音香水竹自
莫逆獨厭逋客擾我亦願結交禪房寄深窈門前石盆
潭奩鏡澄不撓寺後仙人壁峻嶒揮雲表卜游已經年
此志幸不天菟裘在何許清境吾將老

中秋無月與伸伸飲書齋書呈伸伸

我生不如意十事常七八窮巷屬中秋乃有長者輒相

逢急呼酒坐待盛滿月那知天所闕不吐水輪潔王孫
神膚清與月真莫逆牛渚舫中人武昌樓上客千古明
月句腹中無一闕我窮輒相累昏燈照愁絕窻蕉響踈
雨杯負琉璃滑豈無仍圓夜又恐間何濶呼童歌嗚嗚
一笑助耳熱

送伸仲歸漆塘以語及君臣際經書滿腹中為
韻十首

僑居始定交寄誠用縞紵命駕輕千里次亦推嵇呂衰

俗日益偷此道棄如土如何五載間七迂慰羈旅崢嶸
聽崇論璀璨驚韻語江湖風浪高媿子蛟龍苦

家貧困百須祿廩不時給接浙不漬糠孤斟但飲濕長
者車轍至園蔬親掇拾主禮不如意八九更論十牛心
餉會稽猪肝售安邑茲事固么麼力亦不能及

聚書三萬卷斷自典與墳籛金固已多是家那得貧平
生謝雜好童習至白紛幽經與怪牒一一儲心君坐令
說今古奮袖真如雲何當過藏室手披至宵分時時咀

熊膽辛苦以佐勤

君家髯御史百疏嬰龍鱗死喜作忠鬼生甘為旅人高
節渠無繼從子蓋其倫危言對便坐翫麟不顧身重道
輕祿仕無寧常隱淪它年青史上牽聯書直臣

潛山賦歸來卜築聊自憇巖壑發天藏桐竹如手藝寒
泉西神派那復問水遞割甘餉兒女伐木課童隸意行
及趺坐宴然契真際誠從古人求三隱真可繼

中年燈火讀閱遍汗簡青歲晚得興境領畧在六經肯

薰班馬馥要續丘軻燈只今未康濟斯人尚郊垌

亂後等蓬轉風雨摧敝廬寄身旅城南誅茅縛幽居家
山在何許清夢時一如南鳥每懷越北馬常嘶胡天狼
今未落中原猶羽書歸歟不即賦此心耿朝晡一屨肯
相容卜室終桑榆

失勢水投石得時山壓卵富貴親眷稠貧賤交情斷叔
世澆薄中風誼如君牢生涯一舸風何門不堪款龍坂
不著脚乃數訪幽散語離大匆匆寸心常不滿

皦皦常易污容容每多福為嫌狙賦三乃作龜藏六平
生經綸手都在十圍腹似聞紗籠人盡力欲推轂東之
今已老鶴頭來要速

頃年官黃岡清俸緣手空飽暖到惇獨吾寧守其窮竭
來漆塘山耙稭收橫縱自言畏多累不復愛畝鍾負郭
鄙蘇子沉舟似龐翁絕勝南陽人辛苦耕隆中遺後但
清德有子人中龍

明日元舉赴召見別用前韻送行

吾君急升平元凱登二八赤墀擁豪俊青雲啟塗轍巖
居及川觀號召無虛月徵君筆瑞世制行圭玉潔何來
端神羊不畏龍麟逆嶠南歸興動只作數旬客跡雖遁
煙壑名常藹雲闕果膺尺一書赴隴催裝發遂恐長烏
府席與羣工絕眷言國步艱敢憚泥塗滑牛刀剗繁劇
鵬翅摩空濶相期扶中興何止得官熱

丁巳遊大雄寺有陳朝檜

古殿藻井高榱窮壯麗黃金四佛榜煌煌曼卿字廷

中檜異狀封植天嘉歲直幹龜鶴年樛枝龍蛇勢陰森
歷九朝知閱幾興廢石根青銅柯孤高方得地應笑凡
草木俛仰見癰瘁緬懷陳季年三閣事壞異後庭唱未
闕已作墮井計獨此歲寒姿與佛常閱世寄謝青牛宮
勿輕大雄寺

赭山承慶報慈禪院劉希範資政墳寺張叅預
為神道碑

故人具鷄黍相携登赭山松桂蔚回舍上已煙霄干陰

風起天籟誤聽號驚湍新寺聚碧瓦突兀數十間君恩
錫香火以報顧復艱亭亭無媿碑銀鈎墨初乾蓼莪避
顧孝汝墳起周盤罔極疇不念致此良獨難彭城廊廟
姿報國劒鋒寒未途禦魑魅鳶墮隔生還榮枯信反衍
誰能保常安排徊積慶堂老鼻一辛酸

戊午出長興郭泛西溪至清果院

朱藤花墮影晷畫因名溪林壑莽參錯鷄鳩挾春啼刺
船未云久眼明古招提入門赤泥亭石梁亦可躋佛殿

制淳古凌空飛拱枅淒其念陳祖此境嘗幽棲蝦灘弄
竿綫龍卧聊蟠泥一朝風雲會起舞隨荒雞興王豈細
事荒陵出金犀賢愚同一丘莫厭青鞋胝

戊午次吳山解空院乃端師子道場是日上已

呈法中禪老

尋幽勇鼓柁茲山初問津雲煙落吾手若水清潏潏蒼
官舊千章類不赦斧斤以茲海藏湧突兀千蒼旻獨餘
三大夫歆蓋皴龍鱗下閤往來輩蜉蝣不知春迎賓上

人者貌古意甚真豈惟嗣老端勢到繁忍親陟嶽既幽
絕飛談復清新何庸浥寒波更被元規塵

己未次廣惠院

下若水沄沄佛寺古邑西開帆但五里不到將噬臍懷
古展清眺崇閣聊攀躋法生有鼻祖樂此山與溪自言
孫子賢茲地興王基霸主受九錫二紀承梁齊空餘陽
烏阜石人卧荒蹊綠滿天隨家崑花伴幽棲留傳杞菊
堂墨妙懸棖題秀色有他嶺招尋更杖藜山林且放誕

邊城多鼓輦

次吳粹老觀我齋詩

立我謹外捷逐物戒內熱樊然辨物我此意猶屑屑是
身本虛空何者為六結雖慧念不起雖定照不滅無我
與我所觀亦于何設右臂彈已化左肘柳方蘖願君進
此道遺我自朗徹不見魯東家意與我俱絕

欽定四庫全書

丹陽集卷十八

宋 葛勝仲 撰

七言古詩

同子充遊堯祠見交代李行正詩追用李太白
舊韻因亦次韻呈子充

俗物敗人意作吏七不堪
竭來東蒙遇歡友角立傑出
推江南英材百鍊揮利刃
夷量萬頃澄寒潭弱齡文采
照金殿荏苒立境衣猶藍
銅章來踏瑕丘鼓邑屋歡康

無疾苦春風郊外正微酣笑指叢祠兩驂舞猛拋簿領
追芳哲不遺韶光浪湮滅戲看油碧聲如雷桃已蒸霞
柳飛雪超然危立俯河干抱城清泗鳴驚湍謫仙秀句
但碑板無復真跡龍蛇蟠君不見聰明文思撫寰海四
表上下騰光彩破椽歌折爐無煙豪氣英風亦何在荒
郊遺趾望中來遐想千古令人哀祖龍巡幸亦瑣瑣從
臣徒向蒼珉開豪華豈復靈光殿峻峴誰知季武臺耿
耿星河掛窻牖未跨歸鞍猶捧手同門早歲氣橫秋年

大飢寒依秣酒俗儒醒醉尚不分金馬玉麟名遠聞小
縣鳴弦煩卓令冷閣問字疲子雲五斗不歸俱委瑣避
逅為僚天贊我金蘭縞紵未足誇嵇呂命駕何其賒官
寺相望無百步泮林正對河陽花坐令莊舄忘吟越亦
復無心戀魏闕蒲酒相從未有涯祭竈請鄰纔一月

記夢詩

并叙

新定姜補之十一月二十日讀書齋中疲極假寐夢
與半山老人相遇於長干白下之間大相譚賞且授

以巨硯曰余昔所用也舊史載此類事皆為文藝顯
名之兆因作記夢詩二首

頤堂晝卧清且閒了無塵霧來相關俄然正夢半山老
練裙葛帔泉石間抵掌稱譚因餉硯微凹浮墨光如電
自言繡經視草時落紙雲烟皆倚辦山頽梁壞空遺祠
覺讀其書寐見之勉令勲德復藹藹佳兆若此真非衰
少瑜昔夢青鏤筆江淹重錦完成匹明當辭藝驟驚人
千里從今期一日

元豐功成身退閒鍾山小築掩松關莘莘學子求卒業
說經開若闕門間木鐸茲文繁筆硯紫綬垂腰眼崑電
似聞一日置心猿道德功名無不辦配食孔廟時烝祠
子生其後不識之文章津源已默付名爵豈待顏髮衰
向來李嶠夢雙筆至今辭藻無倫匹納鑑唾口難細論
謂言不信有如日

補之見和復次韻二首

僊曹無事身得閒午睡絕惡呼當闕榻施簾篠獨展轉

夢覺不離周孔間官出硯州初乏硯過眼羅紋如過電
半生用一即墨侯頗欲易之貧不辦舊聞夢硯湘君祠
乃今神異真類之秣陵真儒豈虛授文字之祥昌不衰
擘牋疊疊稱名筆正始微言欲儔匹終當辭藻瑞朝廷
更請焚膏勤繼日

原注蔣道支蓄魚硯二十年忽失之
見夢曰遊湘水為二妃所留後於湘

君祠獲焉
出異苑

逸驥未遇虛王閑鹽車垂耳猶聞闕夢中一眴逢伯樂
遺以舊物憶恍間斧柯山神護珍硯採琢往往興雷電

欲求潛璞滿書簾顧豈咄嗟便能辦禱求苦用中牢祠
何如假卧輒得之池塘句好有神助文字格力何因衰
莫嗟筮仕困刀筆聘材行即肩羣匹速將妙語醉衰翁
鵝鵝飛灘知不日

原注興雷電祭以中
牢皆出柳公權論硯

從人求鰕魚

海邦邾莒固多品此族稱珍乃其伯瀋泉湘淪付饗牢
薑桂煎調奉佳客視書已覺明病眼點酒偏能醒醉魄
君看憂憤不眠人快啗取厭亦何擇豈如吾曹飲文字

興臺不復霑餘瀝昔官餘杭飽下筯兩載杯盤厭凡核
竭來瑕丘問鮭菜樽俎徧索未云獲願從褚公棄千萬
免使劉郎鞭二百

刁馬河上書事呈提舉張聖用

稻人掌稼存周書蕩以溝洫蓄以陂為田一夫顧尚爾
有大於此其亡諸所以當時多善歲黍稷高下無萊汙
史公引漳變舄鹵鄭國注洛通陂淤寂寞井地已不復
二子興利猶居居常平新書出聖考歲積羨入為留儲

毫釐不以給公上補助力役寬農夫意謂舍此欲富國
不幾緣未求淵魚猗歟吾皇始即昨駿惠成憲追前摹
民田利病特經意詔俾海縣交修予芻言輿議滿青甌
論及刁馬尤勤渠一勞暫費不足憚要使長利相乘除
水衡銜命出護役使節適野同伴圖勸勤警惰詔賞罰
尺一徑下隨都俞擇材分幹自不乏猶如采芑從菑畬
薨薨畚揷事疏鑿坎坎鉦鼓催勤勗伍符尺籍用兵法
保受團結從州閭施功塹中每絕蚓得肉道上時銜烏

河流廣深事股引清波漲綠涵靈胥勸農使者舊京兆
眉嫵曾畫閨房姝魯邦都尉古循吏謀視韓許直庸奴
經營土功費心畫埤益王事成仙臞清明不歸對花柳
獨冒埃塹馳軺車香名巍巍鏤翠琰績用藹藹飛皇都
橫流不復灌旁郡萬室按堵安田廬陪京沃壤袤千里
旱乾水溢從今無誰言醞渠百世利政在起役三旬餘
荒功經始自勿亟煩爾訖事歌驪駒役夫雲翔指千萬
北迈曹濮南青徐願修厲禁比川澤張官督察稱衡虞

謝人惠筍

籜龍初萌豹文點味闕盤殮心正慊二公好事為髡鋤
一日分甘香掩冉小斲全勝沈道虔縱取何殊范元琰
趣令庖宰事燒煮未怕旁人呵聚斂白醪赤米最相稱
紫蓼綠葵當少貶驗長須知韓老嗜稱寬却笑盧仝儉
遙憐萌出盛家林豈不懷歸畏官檢願君繼餉走輿隸
莫遣煙篁拂崖戶

喜元舉歸

溪東作舍已蓋茆溪西築庵新立棟水雲參錯出十里
妙寄方嗟無與共忽聞故交還五嶺聊喜居隣依二仲
臺評早歲冠神羊儒館文華推白鳳詔除每下輒避寵
才術小試已驚衆炎荒雖云去國遠皇華要是為時用
故為懷歸逐我輩露章求免疲護送自言嶠南官不惡
峻峯危磴頻飛鞚挽葛屢上羅浮顛披雲亦到朱明洞
看山却憶家林好夜夜幽棲來旅夢而今歸隱寄天放
却憶修途真定痛猿鶴相向為家禽松菊未荒憐手種

碧鮮脫籜高遶屋白墮敷醪香出甕從今莫厭數招尋
持鰲共費宮祠俸

試建溪新茶次元述韻

船舟初出建溪春紅牋品題苞蒻葉低昂輕重如美人
等衰銖較知難躡格高玉雪瑩裘腸品下膏油浮面頰
太丘胷中有涇渭包裹携來充博帖稍發下駟已驚眼
香味高竒光煒燄不肯花前殺風景憑花為謝穿花蝶
更看正紫小方珪價比連城真稱愜病渴羌人洗煩滯

好睡兼旬便愁攝異時風流貴公子喜悅藏珍令口噤
莫辭七椀攪枯腸有酒沽君夜燒蠟

次韻去非謝前教授餉澤州瓦硯

錫花蒸成一坏土聯坳即墨元光舞飛鴛餘韻照文房
呂翁心機同刻楮高平沃壤真土膏硯與龍尾為朋曹
剛柔得中不坏甓共推妙手能甄陶郎官小樣知名久
何須對面供十手講郎尚有千載人要此編摩論臧否
請加什襲傳後昆阿買不獨書八分紗帷晝靜棐几滑

克肖鼻祖能綴文

次韻去非題紫邏洞

一麾謬作東諸侯邂逅兩玉陪遨遊
引泉疊山作竹洞持以奉客充淹留
泐泐清流出潭底辟疆萬箇那勝此
奇礪文六照幽亭雅稱幼輿巖石裡
人所應無君盡無哦詩擁卷窮晨晡
指物程形直題署便欲相稱詩董狐
雲水相從樂復樂汝陽太守自賓幕
不用飛章乞會稽聳秀交流看巖壑

次韻去非梅花

造化小兒心戀嫪偏向冰花施巧妙冷禁霜帶曉寒飄
清宜月綴微雲照已與鳴鳩傳酒信更乞游蜂供蜜料
交情萬里寄春色度曲五更吹怨調半樹臨溪抵死香
一枝倚竹嫣然笑寒姿踈影太幽獨靜女貧姝真窈窕
世言嘉卉出靈山我疑異種來圓嶠肯挑俗子炫穠麗
只約騷人伴吟嘯少陵牽興催衰白廣平被惱回剛峭
徑須相過壽此花市遠無肴只藜藿

次韻去非留別

餘子碌碌不足數太丘晚出吾所許淹盤此境未金馬
邂逅相逢慰銅虎與超宗語不知寒從季遠游那覺暑
祥琴臯月歛戒行征馬譙門聊出祖平生種學與績文
自信扶珪兼綴組分無桃葉把歌扇只有松枝當談麈
行裝未辦纏頭帛衣食何施擇木羽從來文豹深隱霧
此去老蛟真得雨長卿蜀肆初滌器伯鸞吳廡曾舂杵
青雲直上不作難那復笑人憂鄧禹

喜宗丞姪病愈

向來聞汝拙將理五日寢瘳未藥喜醫良未遇肱三折
愛切徒勞夜十起欣聞安泰風愈檄莫嘆清癯肉消髀
徑須營度還詩債要看筆端翻峽水

原注姪有圍
字韻詩未和

奉同李倅安上賦崔白沐猴杏花

空山無人春風驕撲撲晴杏開香苞崑深谷峻無與賞
攀枝騰踏帷飛猱大梁崔白舊所見絹素落手因揮毫
巧為紅艷狼籍勢撲蔌幡灑歸蓬蒿王孫惜花有深意

預憂雨橫兼風豪故來跳觸看零亂妙思臨寫形無逃
貴人錦囊舊藏貯文闡傳玩叢英髦東平儒仙首留詠
詩價與畫相爭高直云何用辨真假徑須對此呼香醪
誰知真花却時暫不如丹粉還堅牢

高君贇

公獻

兼數職奔走疲甚以詩勞苦之

曉鼓逢逢天未白呼火攝衣千典客青衫手扳階石前
磬折擎拳若無骨還將束矢聽情偽更向團絲分枉直
糟漿逆鼻走兵厨描糠眯目司平糴翩翩輕輦行若飛

濯濯單紉汗如滌趨局何曾過八塲端居未暇移百甍
歸家徃徃犬迎吠得肉時時鳥攫食長材要自萬鵬程
初筮聊淹一雞肋徑須龜勉彈其冠未用低徊尤此幘
左馮舊事今復繼敏手州人驚霹靂

邑尉姜補之

師仲

枉詩甚寵率爾酬和

去年詔鎖春官闈桓桓文陣如熊羆激昂辭章爭自售
獵取豪俊幾無遺五更榜帖亂人鬼九衢姓字犇輪蹄
維時謬從宗伯後喜子入彀名高垂楓宸臚傳預供奉

杏苑開宴常追隨那知巖邑大如斗邂逅聯事同勞疲
民頑寡詬號難治心怯畏縮將安施幸蒙幹畧整紛冗
間以文義相娛嬉忘形未肯遽爾汝執禮乃或論生師
固知風味去人遠九牛何止爭毫釐平生最喜我輩士
角巾野服同委蛇爾來亭午已休吏五百彌月間鞭笞
城南桐竹富蕭瑟城北溪漲清淪漪頗願吾僚哀老子
遨遊使得時伸眉

送許師德

訪我金溪船繫柳一杯醕我真天酒

原注酒名露華

騰裝欲赴

清油幕纔得伸眉俄振手家聲文采照東南洛師吳郡
乃所監羔繡繼辟不容避聊脫黃帽穿征衫元戎器業
光鼎軸百萬貔貅為部曲仰分憂顧新登壇慎東英僚
佐推轂平生韜略據一朝佇看烽靜無氛妖將軍三箭
天山定千羣塞馬嘶風驕

少川兄貧悴甚見屬求寓館未遇好事者聊作
詩以寄因以速之

我兄弱齡推了了手不停披今髮縞人中滯論能立判
筆下陳言皆力掃多如雞跣歎積學大似牛腰看屬藁
敗絮自擁不言寒書床坐穴那知老逆旅無人識馬周
除舍何當館孫寶水波未合急相過漱醪聊緩憂心擣

寄題吳江王文孺

份

解元臞庵

臞庵散人築隱居自稱山澤之臞儒邀風貯月有亭觀
以道自廣何其臞三江雪浪魚龍窟千古浮天仍浴日
乍吞涯涘歸醉胸時卷波瀾入吟筆天儲此景非寒窘

經營傑觀規相準萬株蒼石雲斲根十頃紅蕖波照影
異時壁沼搖毛錐同門太半通金閨一班一級何足道
賦歸有此知為誰境清恍與塵寰隔髣髴天隨舊行迹
聞道朱黃近筆牀定有叢書增笠澤

次韻慶善九日

舍南自灌五畝園滿種黃花待親識明朝酒熟當壽君
卷白不許餘涓滴湖海浮家作寓公醉醒幸與騷人同
一座盡傾塵表物不須舉扇障西風

再和慶善

但將詩酒樂重陽
咕躡深嫌程不識
已呼明月倒芳樽
更浥滄波供硯滴
多聞素仰百六公
飄零邂逅笑語同
明當數助擎鮮品
鼻頭出火耳生風

送慶善之江陰

南州地氣真火維
午暑勢若遭蒸炊
風亭水榭不救暍
如何泛役衝炎曦
四年遵路俱六月
叩門急義非君誰
小蓬暑行分不免
著書暫卷春秋帷
借船屢枉逸少字

質錢敢以班史辭一麾尚與數人共西江得水知何時
况復外事繼嬰擾主孟頻歌烹伏雌天其或者降大任
必先空乏其儲貲老人索居寓澤國蛙黷同處時迎鑒
麥麴芎藭兩未効政須健論扶衰疲君今捨我那遽反
落寞何用伸吾眉大恐尺一亟招選徑從僂道趨天墀

嘲淵明代答

按原本此首前有嘲淵
明一首今編入七絕

君不見七百石了麴蘖事二千石充雀鼠耗澆腸果腹
固有餘糟丘米山何足道不如酒盡仍從酒家覓瓶中

粟空聊乞食

依韻和子有教授姪寄雪詩

空中紛霏誰剪水
夜半天窻明蠟紙
天將奇寶借詞客
使酒驅詩難但已
紅爐活火然松明
閒施博局呼明瓊
區中無此清絕境
疑是縮地來蓬瀛
從來聞說三吳道
飄瞥郊原看最好
且願留為不夜城
揮戈却日還穹昊
講郎才韻今可人
聞客欲至顏津津
急掃堦庭施木屑
跋馬去作陶家賓

衛卿弟和詩佳甚復和一首

俗人雪句如翻水陳言堪弔剡藤紙子詩清如扇上讚
使我三歎不能已妍姿與雪爭輕明白戰不道飛瑤瓊
西神山畔芙蓉水好招煙艇浮澄瀛千巖不必山陰道
何處輕飄看不好百觚判斷速呼客莫待覲消還畀昊
天儲此景娛閒人貯瓶潑茗甘流津茅簷從此便歸隱
不待人呼祁孔賓

衛卿弟賦詩見貽和答一首時有從軍之興

我如老屋人多閱骭髀如君真可悅長塗未騁駒伏轅
窘步無堪鮒依轍諸賢袞袞位華顯獨子棲棲困巖穴
何妨虎子聊一探況是龍泉未虞缺前時羹稀客告去
爾日瓶空糧又絕不緣閔已賦牢愁獨為傷時拭清血
燕頤食肉骨素奇龍額封侯計非拙勉旃矍鑠出據鞍
収卷毛錐從此決

次韻鄭維心遊西余山

雲巘瓌奇甲震州不須幽境更旁搜從來知是通侯國

此段方從勝客遊閨歲春遲空水樹雨時溪漲失沙洲
吾衰久矣欲何適更為前山一上樓顧余峯好鏤雲烟
入寺窺臨信所傳衣袒右肩從衲子屐除前齒陟山巔
一杯相屬真宜醕四者難并偶幸全亭號弄雲誰作記
紫樞當日筆如椽

明月峽

李庇山記皮陸詩紀述茶事真歷歷枕流亭北池七里
萬仞挿天雙石壁懸崖倒掛天銀河武敏尚存西楚迹

昔賢招尋多好事例以姓字刊巖石青瓊綠髓茶始生
報春鳥鳴山晝寂茶民研膏柏黑粘香焙鑿山深二尺
急程苞貢御簾開宮娥進水傾寒碧只今玉食歲不供
舊事獨有山英識霸人水厄不厭數耿耿不寐幾通昔
他日重來覓舊題應嘆流年如矢激

工部兄新治小閣壘土為火爐戲作勸召客

簡許開尊殺青竹俎有肥羜簋饌粟招呼未聽洗醎聲
故復吟哦小詩促能使將軍賞不貧請召宗姓仍及身

擁爐便是入窟室於粲灑掃情無文我今愁如居廣柳
萬斛量之應更有內典暫輟算海沙羣經尤慵開戶牖
政欲酣暢融心神村郊魚鳥皆來親不憂坐上無武子
羣從一一天麒麟

大父通議無恙日開軒燕處有桐孤峙因名琴
軒初不措琴嘗作記叙意而偶失藁本故今家
集不載比者興之姪閱故書得之見貺喜而成
詠呈六兄工部兼簡弟姪

嶧陽竒軒高參天對以華屋名琴軒軒中寄傲隱君子
方瞳鶴髮臞儒仙閒中默契絲桐理不待徽絃出宮徵
柳惲筆捶佐屬文淵明手撫聊寄意一篇叙此藏巾箱
歛爾六丁下取將世無安世誰默識才異東晉孰補亡
神物護持今復出數紙蛟蛇親手澤敢辭援筆補遺編
謾致區區貽厥力

諸人各見和復和一首

我祖還笏歸樂天不羨戴冕兼乘軒掃門笑傲寄元趣

一龕相對惟金仙辭藻翩翩能析理字字清奇中商徵
響泉韻磬初不施見色聞聲自真意從來家學傳青箱
祿侈萬石今方將此篇不愁暫飛去天相斯文終不亡
孫曾秀傑今層出餘慶仰承君子澤莫言臨絕似獲麟
請看筆頭扛鼎力

沈必先殿院

與求

用策字韻賦詩見贈謹依韻

和時居盛林

菁山遽用檀公策水村來作浮家客五年霄漢隔音塵

此假相逢喜折屐荒陂難覓鉤
鐒潭胃中丘壑有人傑
烏臺坐逼癡牀南見事風生勇
成癖逆耳爭先貢皂囊
造膝仍頻對宣室只今道梗淹
荒村汲直未肯儕公孫
時平已見龜墨食尺一行催覲
文石

蒙維心示謝必先尚書餉筆佳
什時維心方刊
正三國史輒依韻攀和

谷口之孫材及銛如針處囊立
見尖平生苦心在墳索
八月猶未高騎蟾若嫌壽史六
十五論次未必三長兼

與時諱惡難僂指為米溢美堪掀髯浪言張華為輟筆

至今詆者口不箝因持衆製事編削管城雖老聊復拈

明明褒譏清涇渭欲向素王師謹嚴已刪卧龍無將畧

過實仍刊諸葛瞻

原注陳壽與二人有隙故稱亮無將畧瞻名過其實

東陽尚書

助述作束穎分餉出寶奩自言宸廷夙霑賜今以歸奉

餘不潛

原注維心自號餘不山潛

鷄距鹿毛青鏤管品制一一形標

籤昔冠神羊書白簡痛擊姦佞如針砭并與書法奉君

子大書特書不可淹懸知南董奮直筆首於三馬誅姦

儉

次韻王得之方池父子翫月

先生夜不眠愛月真癡絕呼兒飲文字桃黍聊一雪清
光入酒墮宵次照見萬卷非涉躐商容顥氣寒徹骨況
是水輪圓不缺中宵影倒萬頃池上下金盤兩澄徹廣
寒靈媛多飛瓊煙凝露曉收羣聲漁冷跳波聞靜岸鵲
驚遶樹當前楹辭直道山來膝上郎君吟興紛縱橫詩
成父子定知己門有佳兒真寧馨不須靈液玻璃盃一

夢瑤臺亦非遠

楊泰初權縣丞數寄示詩文作詩紀謝

關西家世東都相
褫褐十年今始壯
一官棲棲百僚底
衆製翹翹萬夫上
憶昔曲臺尸列卿
謬廁春闈慙哲匠
英俊下沉勢欲拔
文章橫流期少障
榜中上第溷元結
堂下一言驚叔向
頻蒙古錦倒清篇
更枉長鬚問無恙
詳觀歎賞欲投筆
退恐龕疏堪覆醬
吾衰文意已蹉跎

鳳閣當求舍人樣

原注謂臺守曾叔夏

程良器嘉量解元許為寫照作詩求之

虎頭千古丹青傑誰言點中有癡絕手揮五絃真勝詣
頰染三毫更超越自言四體螭或妍顧與妙處無相關
炯炯雙瞳點圓碧筆下頓覺神明還程郎言語妙天下
畫復通靈能變化掃除俗骨畫如詩摹寫天機詩似畫
竹齋溪嶼數相從似蒙儂儂窺塵容詆呵衆史露拙迹
疑有心畫藏胸中寒鄉鼠目麀頭子葛帔練裙謝龜紫
幼輿政自丘壑人試為寫傳崑石裏

次韻范昌齡

大有

慶新居

我家渺在澄江浦，泛宅來依白蘋渚。
客居十載席為門，上蓋茅茨下榛楚。
邇來作舍倒歸貲，聊為兒曹庇寒暑。
千宮萬壑相嫵媚，似以身嘗為地主。
樓外煙霞邀吐句，堂中墳史供稽古。
歲晚居身可，否間簪裳束閣饒。
安閒深媿詞人相，俎豆鶴書應不媿鍾山。

先君忌飯僧悟空興之姪有詩和韻

君不見毗耶居士人，天英化佛億萬丈室盈。
清晨香積

一盂食厭足一切緊法力又不見手捉麈尾生公廬說
經妙蘊幾無餘豈惟緇素日會面粉碎虛空雨花片我
生歸命海潮音况復劬勞諱日臨三孤遺像涕沾臆建
齋達觀趨禪闕悟空誰是悟真空門前灌木吟悲風

贈星洲僧了然

禪林古有一宿覺講席嘗聞一徧照凡馬十駕及駮骨
況子秀穎顏齒少星洲巖壑鎖煙雲千柱浮空覺王廟
似聞碎掌作書淫乍或橫肱究心要明牕淨几學叅玄

二塗一得可前料香浮牛首禮圓光
咀似魚山勝長嘯聞熏大士豈忘言
機鋒嘿贊潮音妙

和陳簡齋韻

馬鞭雖長不及腹山林朝市兩角逐
華堂誰掛元吉聲坐使朱門變林谷
龍章鳳姿自有種山野頭顱未為辱
長沙寫真得天趣下眎馮尹皆奴僕
君不見青州劉幡得異草能遣死膚骨
再肉又不見廣平射膚變浮屠因罷校
獵投金鏃兩幅陵陂槲葉香儔侶共樂
春草長昂

頭安尾無所畏窘拘知勝觸藩羊

原注元吉善畫
聲尤精樹葉

依韻和興之姪

一真那有黑白業佛橐枉用為書篋人人反照自圖成
說甚一花開五葉了無結習便超脫因有罣礙生怖懾
山鬼窟中求活計玄關欲透知何弋匝天遍地自心源
若解承當真要捷樹林水鳥皆法音露柱幡竿光煒燁
世上盲聾啞人試問道師作麼接

寄題伸仲芳美亭

漁舟一出桃源路煙鎖雲埋迷舊處那知九龍有仙村
漫山灼灼花無數人言却老是此花只今已似劉晨家
微風披拂飛紅雨杲日照耀蒸紅霞似聞花間新結宇
醉吟多是神仙侶更求人面相映紅我欲叩門求雪叅

圓復師將游四明用道祖韻作詩贈行

禪宗不減宿一覺文性還同照一徧啞羊豈是一流人
漆瞳爛爛巖中電機緣未遇闕金提雲水光中挂衲衣
定回時起橐駝坐秀句一吐胸中奇過我郡齋那聽去

衮衮談玄侵日暮西風吹面作新涼
騰裝欲指鄞江路
一庵錢料山幽深欲拋印綬聊招尋
倦游歸來問無恙
東第飄然正角巾

招道祖簽判嘗暑耐辱示佳篇紀事輒依韻奉
和且約再冰釀云

君不見兵火連年擾江漢一介蓋臣無斷斷
列城守將
遁或降那得捐軀顏與段鏖兵喋血八年間
西失平夏
北折蘭犇軍知是何難狗坐想飛將張與闕
草莽臣謀

未云獲且復澆愁傾大白平時徒有扇障塵一笑未辨
鬚纒帛相邀聊共聖賢中但愁燭跋鴟夷空沉酣不畏
輕出舌驚懼懸知不入胷午夜醉歸聞踏月林影灘聲
助清絕糟兵好向水村營壑谷正為吾曹設儒生嗜酒
多有之高陽酩酊無所缺莫言酌我慎無多休彈賀若
唱回波騰騰相送入無何

二十五日道祖滄浪亭落成召會

東園延袤不論畝樹梓成行俱楚楚方池瀾漫漲漣漪

藕花清酣嬌欲語臨流新築滄浪亭斧斤斷手邀落成
蘇家風月舊無價千金買得亭和名穹廬飲馬吳江水
長洲萬井紅烟起齊雲樓觀委寒灰那有相家歌舞地
稽山別乘今豪英肯將勝事頽家聲青氍毹舊物今在眼
髣髴北牖仍東榮把盞聊為主人壽亂離已往空搔首
請看前日閭巫豎豈有閒情舉樽酒朝來大火落南躔
已覺病骨蘇涼天剩擣橙齏斫鱸膾全家醉倒秋風前

流杯

美哉洋洋曲流水碧可染衣清徹底我傾山資結茅舍
兩載經營端為此春風上已一月前小試禊事來水邊
胡床醉坐畧少長羽觴輕泛隨洄泐道人護戒無酒欲
笑挹清波作醺醪崖蜜相和代引滿自言過免三十六
隨緣戲劇亦何嫌勝遊從來支許兼久知世味如嚼蠟
未應貪著中邊甜

次韻道祖大水

君不見綠槐蔭夏搖千門移秧遍野綠盈盆天公忽作

彌月雨憂歲上勤黃屋尊我家茆廬劣容膝隨水傾摧
非瑞室街衢生魚堪佐饗簷雷垂龍欲穿石仰天又見
興油雲乾雨誤點波連村馬牛不辯固其理鼃黽同處
何容論休歎棲苴接飛翼林端會見賓紅日木饑水毀
儻時運救災行看恩洋溢

同道祖及子舍遊茶山歸因成

寒窻送曙雞一鳴尋山蓐食天初晴水口溪窮為停棹
步携東坦仍添丁虎頭巖高山色好竹輿遥睇眼為青

花瀨濛濛勝紫氣微花拂袵聞芳馨岌嵒懸白與天接
脚力欲趲飛猱輕此邦佳處徧尋陟夫差所顧獨未經
茲遊野服穿不借自勝五馬仍雙旌憶昔貞元守修貢
木瓜堂廡輝山扃兩邦歌舞競姝麗穀雨不許遨頭醒
只今金沙雜榛莽空照華髮垂星星近澗喧飈泉瀾瀾
遠峯嬌膩雲英英山僧意勤苞紫笋傾蓋一笑無平生
息黥補劓有甘寢夢覺起作遊山行

新池水涸股引于前溪辱道祖來觀

吾廬新築薰風堂其下方池手親掘畚耨初無鄰里相
垠隅那有波瀾濶旱涸俄驚拆龜兆灌輸未免翻龍骨
街南大浸卷滔滔巷北小渠來汨汨膠杯忽覺水痕漲
抱甕免嗟人力竭已憐紅芰浹枯菱更喜頰鱗救濡沫
幽居勝事快先睹上客高軒為輕出蛟龍好在且泥蟠
他年豈復池中物

初得庵基於青山用立方韻請道祖同賦

身閒那贈繞朝策來作菁山數旬客結庵痛謝九流賓

輕重嫌人分履屐才通箭道菖蒲潭幼與政合居山巖
闢健更須升絕頂接天巨浸浮東南從來不辦王濟癖
石磴騎危甘脚歷欲將土木化荆榛坐嘆清風來入室
練裙葛帔居山村共怪膏粱相國孫祝雞為鄰言不食
自此相從煮白石

道祖見和復賦一首

人言不飲第一策况我携貧來作客破衣任笑頻見肘
斷鞋不辦時新屐公材公望非丁潭世人誰許瞻巖巖

豺狼滿道生理窄立錐方卜南山南十年丘壑幾成癖
澄懷坐想真歷歷難希蔣詡開三徑且學陳蕃事一室
時危花柳自村村未害含飴仍弄孫淡飯且安禪悅食
儲錢更買奇礪石

大暑新居納涼和小子韻

至後金柔伏日三旱氣焚宣勢如熒火井湧沸烟生嵐
鶴髮遺老素未諳我居瀕澤深耽耽修廊飛廡賢僧庵
薰然好風來自南如甘露門開瞿曇如客懷冰吐清談

有亭自雨臨深潭不假涼草生氤氲天日炎赫反所貪
我窮儲無石與甌枵然飢腹空婪酣后皇矜憐百不堪
免使熟爛聊包涵王城衮衮穿朝衫跨馬揮汗流朱藍
獨逃靡盬侍魚泔坐享逸樂捫心慚

用立方韻二首


山村艱食宇晝合齋鉢相呼坐僧榻今朝瘦羊忽入饌
云是餽餘徹腰臘年大才疎合退休尚玷恩華只自羞
賞延疊疊來踵武命服童孫尚羈午

仕宦由來須遇合未遇杜門寧穴榻尊無泛蟻浪經春
突有懸貍偶乘臘郡印還官得小休桑樞席門何足羞
幽居不羨裴掌武綠野堂前橋號午

立方闢小閣附火興之姪作詩勸會客次韻

吾兒玄學師老懷嚴持月六八闢齋新來五辛不入口
坐使妻歎生不諧自言文室淨名量惟期禪侶來存訪
栗里豈獨尊常空亦乏秦聲亂春相朝來天雨瑤花霏
句如連璧來交輝鹿枰茶果亦易具不爾恐致膏肓譏

幻界政應頻燕喜酒盡為謀當更起趨庭為爾復緩頰
一盃既空難但已



欽定四庫全書

集部

丹陽集卷

十九
二十

詳校官庶吉士臣張溥

侍讀臣孫球覆勘

謄錄監生臣龍舜耕

欽定四庫全書

丹陽集卷十九

宋 葛勝仲 撰

五言律詩

次韻太人待次吳陵邑五首

待次吳陵邑身修道日章蘭陔留古郡花縣得隣鄉未
即搏扶上端嫌代斲傷蕭間文墨外樂趣問濠梁
待次吳陵邑優哉閱歲年鳳池疏海角鷗閣竦城顛蔣
藥時分穎栽花自溉泉新篇談笑就寄自魯邦傳

待次吳陵邑行趨寶婺邦
蕊龍連越岫澄澈泳桐江
八詠風生座雙林月映窓
勝游知不晚官履欲飛雙

待次吳陵邑常安揭小軒
祇從支遁隱不問景純言
顏巷居多樂陶廬似少喧
朝歌屈虞詡清切未殊恩

待次吳陵邑鸛黃報早春
紅歸花蕾淺青到柳梢
新窮約那趨俗虛緣自葆
真榮枯多反衍坐笑黨頻頻

和送張元方南京掾

下位沉英俊青編樂自多
官曹依綠水詞筆注黃河
初

日嗟貪鼠今年未飲鵝陪京資祿養何計免奔波

題橫林館

治劇知非稱投閒得退棲聊從詩酒污頓免簿書迷幻
界榮枯小真乘寵辱齊橫林孤館靜辰發踏荒雞

題須江驛

寓館飄風雨高文耀日星

原注驛有賈黯碑

閒身闕歷覽左宦

在零丁不見雌雄行

原注事見子厚詩

空存長短亭襄陽知漸

近峴首映寒垌

次韻李子京宋城道中詩三首

沙岡牛酒市渺岸指前程斷梗隨鷗遠殘霞與鷺平

原注

一云雨脚因風斷濤頭薄暮平

村聲喧垌莽林影倒澄瀛俗物難遮眼

支離病骨輕

通塗了無畏清世足章程擊壤民風樂持衡國勢平朱

鹽豐道路稱鼓靜寰瀛佳氣葱葱近心隨過鳥輕

積累三冬學淹通萬古程孤高吳子札該洽蜀君平曹

事今司李官封近接瀛公侯階有漸五斗未容輕

寄題海會晚實軒

素節清霜重金苞，照座隅根深容四老品。
貴入三都騷客真，宜友侯封未易奴。
舊時書兩廟，感事涕沾濡。
原注元豐

中先祖先人各嘗賦其詩壁間歲久不存今住持宗定來索親筆授之

登攬雲亭和工部兄韻

危亭聳山巔，縈紆一徑穿。
林深將蔽日，濤怒欲浮天。
江北迷堤樹，淮南起餉煙。
結庵容寄傲，從此息攀緣。

次韻和慶善遊圓覺寺歸四首時僕亦方自徑

山歸

青鞋訪雲水僧饌飲芡蒲落拓人誰識迂愚世所無鷄鵬從物化牛馬任人呼世事何須問諸公在禁途

步屨尋幽子談玄孰造微離羣雖念獨選勝遂忘歸世路從爭席年華逼授衣平生付雙瑣手撫送鴻飛

招提行問道未學倦編蒲不際方為際應無令盡無歸來聊自賦隱去謝人呼宦路分夷險平生誰識途

黃花兼露重白鳥帶烟微雲伴淵明出風隨曾點歸經

丘携芰製視膳輟蘭衣景物供清興詩高直欲飛

夜歸不寐

流鶯驚節物樂事二毛前山簡不堪醉淵明方欲眠談

餘愁似繭坐久腹如蟬日出重游行殘花有杜鵑

原注謂之

映山紅

次韻慶善九日

二九依辰至追歡付麴生竹根拚醉卧菊蘂正牽情杜
曲酬佳節陶翁愛此名吹花更吹帽相值得豪英

慶善再和復和

異縣逢佳節，羈愁太瘦生。
黃花真解事，白首緩傷情。
十日尚堪醉，一杯猶有名。
眼前多勝士，何必洛中英。

幽居二首

幽居無俗韻，勝事特關心。
研度疲三豕，床敷戲一禽。
覆舟基自戒，中聖酒時斟。
蕭灑侯來訪，窓前綠透林。

名勝音塵隔，懷賢自渴饑。
千巖聳秀處，一榻獨懸時。
盛夏衣裳懶，深林枕簟宜。
招邀何以待，數卷謫仙詩。

即事二首

四月麥已熟清寒久不禁林深來蜀魄屋破絕燕禽幽
屏兒仍出貧居病更侵蕭然北窓下跌坐獨求心
巷轉桑桑陌門依綠柳橋因人嫌碌碌拔俗自超超嫩
碧半篙漲殘紅一眼飄卑棲有微分斤鷄得逍遙

試墨

為適閒中趣晴窓試墨卿磨研輕有暈條暢細無聲紫
玉浮雲淨寒煙點漆明鳥鳴春晝寂一笑萬緣輕

微雨小飲客至闌人辭以出令追路已不及偶

作

昨日持三白今朝解八支聊為犀首飲儘笑虎頭癡冠履從來懶杯鐺且自持是中多樂趣勿遣外人知

題庵壁

葛翁携葛姓小榻葛橋邊葛泉出蘿葛一派自潺湲咫尺葛山觀金丹問葛仙耳孫忝瓜葛行隱葛山巔

龍井

古甃泓澄淺涓涓似有源蒸雲驟游宇吹雨忽翻盆泉
伏微如蠟泥蟠肆任虺嶄然頭角見坐禪葉公覓

龍堂

一室飛山腹蜿蜒像設精班傳五色貴食辨百花名睡
頷應難探雲鱗詎可嬰從祈得甘澤棲壁有碑銘

觀山謁蔣叔明

靜

趙鄰叔

汝翼

二墳

寒食觀山道佳城隔壠分趙公今不武蔣老去修文歌
薤猶前日栽松已揮雲生平各投分絮酒薦蒿焄

昭懷皇后挽歌詞二首

天作元符合哀榮極始終陵陪永泰近禮視孝章隆
主躋新廟廠衣賁下宮栢城連獻愍蕭瑟夜臺風
寂寞崇恩殿飈輪去弗還尊名千古外顯冊兩朝間
座冷金釭暖香消玉釜閒神遊返姑射脫屣謝塵寰

李楚老尚書挽歌詞三首

席寵三台後疏恩八座榮朝廷真大蔡邊鄙更長城
戾社符刀夢玉墀識履聲陰功歸壤子衮衮出名卿

東里推人傑西清列從班袴襦康二蜀裘帶靖三關赤
白囊無警朱丹轂遂還登龍門舊貴奕葉道家山

得謝恩重起追榮爵更崇龍蛇新歲忌鵷鷺舊行空圖
象人懷惠尊名帝念功遭時淹陳寔大耋偶相同

方待制挽詞二首

瑣闥樞機地儲闡羽翼人葩儀容典備校歷閏餘親雲
路箕乘說泉臺嶽返申荀龍行濟美交舊獨傷神

佳城醺酒奠長夜殞星知今代儒林傳諸方德政碑朝

廷躬蹇蹇丘壑自怡怡安得研幾士推窮妙萬著

莫子憲中奉挽歌詞三首

嗜學唯何甚飛聲實久如郎星頻省戶卿月轉周廬桂
奠房祠酒芸殘冊府書音容千古外墳櫬閩南徐
材資合黃閣器業偃朱轡教府依模範樞庭驗討論成
梁繫杜預障水幸王尊二紀朋僚舊追懷慟寢門

令子承家學諸儒擁後塵無雙問江夏第一擢平津宣
諭傳黃甲褒稱對紫宸公師有追責行慶密章新

致政朝奉親家丁公安常挽歌詞二首

節概松千丈聲華桂一枝牽絲始游宦解組遽安時人
美拋官早身嫌了事遲反真聊示病曾不謁巫鑒

貫籍明光殿頤神通德門慶源來化鶴高隱謝驚猿冕
紱承前範箕裘付後昆論婚情義重祖載獨傷魂

胡誠甫朝散挽歌辭

學擅專門邃年躋賜几尊降崧鍾秀氣遊岱迈英魂宰
樹黃巖拱房祠赤紱昏密章行胙國有子大公門

凌丞事挽詞二首

銓材今秀孝較德古沉冥已悟桃花理猶繙貝葉經妙
觀存述造陰德有平停今夜稽山道天沉處士星

紫誥恩華重青綸命服榮無香然玉釜有子勝金籬禪
解超尊宿鄉評服老成棘人深孺慕捧土作佳城

許處士挽詞二首

場籍聲華茂家庭志意修先陰歸翰墨器業謾林丘學
府空雞蹠賢書誤鶴頭門基多克荷袞袞出公侯

灘陽忠烈後泊水老成人庠校推模表州閭訓睦嫺決
疑辭郭璞營急似陳遵碑字深無媿鑾坡得從臣

魯國太夫人楊氏挽歌詞四首

教子青雲上持身白業中挾醫來相第賜綬出宸衷鸞
誥前恩在魚軒舊轍空東方妙喜國斷取作幽宮

未肖甘泉像先疏曲阜封春秋綿六紀甘毳極千鍾遠
日朝廷趣容車郡國供吳人交惻楚相杵夜停春

鱣堂推胃貴蟬冕媿夫榮玉釜香無驗金輝館已迎鵲

梁占昨土龜墨報佳城今代誰詞伯刊碑遠德聲

子貴今台輔才高古蓋臣與民開壽域為國幹洪鈞會
友傷陶髮迎師憶孟鄰樂樂親負土腸斷冢邊麟

五言長律

學正郭勉夫示詩次韻答之

有道家聲遠沉機足幹時松生非培塿檀伐待淪漪虎
脊卑凡乘蛾眉疾衆姬一鳴驚伍舉千里器王珪德令
溫溫著名香藹藹馳披莊問同異執禮判嫌疑操尚傾

涓子才華進客兒適齊非鼓瑟逃楚笑吹簫藝苑高三
絕書庠肅五儀涌泉推敏思翻水播英辭計吏趨蘭省諸
生偃壁池行殊師也過論鄙釋之卑默識扳安世多方
劣惠施風標寒似玉機警利如錐高翥千齡鶴前知五
總龜碎金珍謝傳餘錦夢丘遲謬學邯鄲步工施渾沌
眉文科將赫奕榮路即威夷器業今為重功勲士所期
他年青竹上凜凜看名垂

勉夫示詩鳴其窮甚哀因次韻答之極其貧悴

之態而卒勉之以科舉庶廣其意也

落落超餘子，干時命未當。
摧傷窘文陣，拓落尚書庠。
寶貨無山積，毛羣欠谷量。
蝸廬寒不展，龍具夜何長。
牘謾三千富，年侵四十彊。
有車乘下澤，無夢入高唐。
藜糗甘珍薦，桑樞自峻堂。
書傭跼淨院，春賃寄修廊。
異鬼時相笑，隣家許借光。
低徊涸轍鮒，進退觸藩羊。
原憲貧非病，榮期樂處常。
財雄劣程鄭，貨鉅笑秦楊。
甫里田多潦，潯陽徑就荒。
白駒嗟逸豫，黃鳥怨遺忘。
忘薪乏支離，束錢空

趙壹囊晨食煩乞米夜讀待然糠詞藝聞精敏名聲已
激揚登榮將赫奕處困暫徊徨志氣宜軒翥文辭忌怨
傷逐貧高賦就豐廩換龜腸

中秋和韻

涼夜清商半層空素月初騰清來洞戶委照入空廬銀
海亭亭上金波煜煜舒纖阿今夕御少昊昔年墟魄射
澄瀾倒光涵脫葉疎階蔦生乍足庭桂落堪鋤東鄙人
摘藻西園客燕胥未高尤激灝當午更跼蹐氣挾金飈

爽光從玉宇攄鑑圓疑傍架輪正若依輿影挂千林上
明同萬里餘雲開無點綴火退覺虛徐滉漾吞星彩晶
熒遡日車驚枝翻異鵲減腦謝游魚田淨瓊初種窻明
雪未除胡牀情戀嫪小舫興勤渠珠盛輝茲水潮高壯
尾間傾寒滌肝胃揚彩媚衣裾郡古休敲榜官閒置簡
書萬家興醕鼓愜樂旄維旰

次韻逢叔喜雪

始見穿簾隙俄驚照屋山春容先苑樹夜色誤城闕砧

積疑鋪練盆消若盜環酒醇懷泛蟻詩敏過求鷗滉漾
迷珠澤便娟掩玉顏人飢甌共嚙馬凍薦難慳勢急因
空亂形移任地班舞深爭巧黠轉細弄幽閒淮右提師
入山陰訪友還江湖禽影斷絃木未須彎

次韻李倅安上喜雪

兔苑佳賓集龍山上瑞臻微飄方自弄亂洒忽無垠剪
水層空墮裝春病枿新續翻投隙巧歷亂點衣勻急每
隨風陣高將擁日輪階閒鋪六出簷重壓千鈞片落梅

初謝毬飄柳未顰賞清疑不夜驚晚誤司晨朔漠寒沙
起湘吳美耐陳地荒包委瑣木朽蓋輪囷舴艋尋幽客
蝸牛卧冷人稍晴芳意動散策共尋春

再和

皚皚盈尺瑞及此臘前臻滉漾連三暮縈盈徧九垓青
腰陰巧露白帝羽儀新坤軸埋藏厚天潢瀉落勻瑤林
變園榭縞帶逐車輪膏潤歸農畝雕裁自化鈞吟寒詩
膽健裝冷嫵眉顰點袖朝正日侵韉立仗晨境同秋月

淨句鄙散鹽陳白玉藏千室黃雲卜萬困江皋迷宓女
姑射想神人早晚晴光動郊原探早春

十二月初四日遊吳山院

穩坐踰年矣渾消髀肉頑兩兒挾籃輦十里訪吳山佛
老聊施佞官曹未畏瘰煙林穿窈窕崑溜揭潺潺樓觀
修篁外招提翠麓間嶝危愁憊力潭淨怯衰顏身縛何
因脫心紛得暫刪歲窮嗟俛仰境勝彊躋攀臘出因休
吏晡歸及閉關相將投此幘永伴黑衣閒

走筆追記十二月九日潭頭之遊

三益得豈易一遊營亦難地偏如避俗春早自排寒霖
潦逢初霽年華念欲單揹筇卜遐眺挈榼展清歡茶塢
千家密梅林十里寬幽尋窮窈窕危陟徧巔岼有地堪
肥遁幽人卜考槃後前羅峻嶺左右繞驚濤西望雙藤
老南瞻巨石盤千章叢古木九畹秀崇蘭手板看蒼翠
軍持上激湍醉鄉因蟻酎水厄為龍團晚景雲低樹歸
途雨壓冠

原注一作
濺鞍

明驚烽火逼小艇起前灘

十二月二十三日立春中散兄棣華第六會
特盛是日天大雪小孫女出綵旛勝及花柳精
巧夜漏且五鼓方罷既歸不得寐偶成律詩紀
事拜呈中散兄兼簡公任阜民詳定侍郎道祖
簽幕判院朝提轄奉議卿任寶錄待制

異縣逢春啟羈懷百不堪頻傾次道釀聊喜阿雲談棣
萼仍清集辛盤助半酣綵旛驚節物玉屑瑞田蠶太簇
律初應德星堂不慙共誇筵秩秩那羨府潭潭濟美三

公後

原注謂章劉二家

逃禪二老參

原注謂中散兄及已

清歡時擇勝冲

操自廉貪丹荔來閩部黃魚出嶠南雲泉烹賜茗羅帕

薦珍柑經醉香浮座言歸鍾動菴蕭然文字飲共賦鹿

鳴三

六言詩

六月六日大暑市中無肉庖厨索然作六言三

首

翠竹碧梧入望紫茄白苧供槃未辦楚王雞跖難求閔

叔豬肝

常饌素諳苜蓿忍飢何必檳榔自歎麀頭鼠目難辭蟬
腹龜腸

三白舊甘蔬食八閩聊復齋支蟻酒似聞將熟蟹螯應
得重持

再和三首

晨飧僅有醢豆夜飲應無燭槃屬饜何取雞肋委順甘
為鼠肝

野步自鋤蘆葍輕塵試煮枕椰坐喜青芻入眼不須紫
筭搜腸

腊毒雖無後悔轉雷已覺難支異饌那施方丈寒泉且
飲軍持

七言律詩

二陳作書懷詩亦次韻

山城真稱著寒儒遶屋青蒼似故居吏牘糾紛慙磔鼠
齋厨蕭索待泔魚懶如園令將移病窮似虞卿合著書

賴是豐年民氣樂夢回時見旄維旟

園空訟息復過肆肯庭事蕭然蒙良器解元寵
詩輒以二章為謝

一官銅墨付疎頑歲好人和偶未瘳東畝黃雲糜芑卧
北扉青草繆薇閒鵲亭夜覺寃氛靜蠅筆晨驚霈澤頒
倪耄歡謠歸帝力風人溢美但頽顏

編戶相安易得情年來狴犴每刑清庭閒不復施梧象
俗朴聊同示草纓牘背僅能平枉撓需頭那復覲褒榮

原注來詩有皇皇繡斧幾時來願採民謠獻天子之句

人言官事無由了暫得居

官事了名

次德林新亭詩韻

鋤訟無多得暫閒結亭聊就碧鮮間
胡床寄目中宵月手板支頤四面山
楂帶水禽流淺瀨帆隨煙艇轉前灣
登臨似與塵寰隔况復朋從接笋班

次韻子充九日建天寧道場罷遂遊堯祠

悵悵無聊坐學宮銜杯阻共玉西東
祝延精舍臣心重

擇勝叢祠友好隆
休嘆青衫淹小縣
且從烏帽落商風
喜君句法無饒字
始信才華夢得同

次韻德升遊堯廟

頽垣老屋寄荒村
八彩修眉儼若存
古砌荒涼無歷草
真觴牢落想衢樽
雲山遶郭清如活
烟艇搖波渺欲翻
循牒歸來同勝賞
免煩諸友為招覓

九日汝明留郡中不遂同遊以詩見寄次韻

三年卜築慕幽人
九日無歡媿病身
始謂窺臨陪勝友

那知岑寂度蕭辰
醪敷卷白欣初熟
菊蘂舒黃正斬新
聞道小蠻新教舞
歸時呼客莫辭頻

題觀音院

弱水無風到海山
慈容親覲紫旃檀
亭亭寶剎凌雲近
湛湛清池漱玉寒
橘熟獨垂紅萬顆
竹迷曾時碧千竿
熱官步武何容到
散秩須知第一官

諸生絕糧偶作二首示勉夫

庖厨落寞不堪聞
彈鋏無魚既有塵
誰識簞瓢顏氏樂

可憐鮭菜庾郎貧固窮始合稱君子臨難聊須語細人
曳襪長歌商頌在未應懟憾去來頻

飢腸愁坐耳無聞放飯先疑甑拾塵聞說食功非食志
政宜憂道不憂貧佐饗但有思嘗者執爨初無欲清人
好向計臺勤自列文移見卻已頻頻

次韻劉卿任阜民對假菊花嘗新酒

隆冬急雪舞淄澠那得鮮鮮細菊呈何處幻師來術巧
此花詞客最鍾情盈尊更值醪敷熟下筯仍欣鱸縷頰

應笑蓬蒿張仲蔚忍寒獨坐到黎明

次韻德升見懷

米廩無喧似結廬一簷寒竹伴幽虛閒閒桑落傾浮蟻
淨展芸籤拂蠹魚頻枉詩筒從我讀已留齋壁待君書
二千石子人中爽風月高情更起予

次韻德升再講酬唱

蓮社追攀每愧心詩盟此假偶重尋孤高舊壓元和體
清警新聞正始音龜洛賦成應奪錦雞林價重定酬金

自憐潦倒無佳製東望家山但越吟

次韻蔡安度秀才賦鹽

灩更鹽筴利源開瀕海熬波疊疊來貢篚燒羊謾南北

原注高昌國貢鹽南燒羊山者理倉北燒羊山者理細

嘉籩形虎問榛梅鍛圭搥

壁嚴疆域積雪飛霜阜貨財滋味佐饗周九土柳星端
合祀壇垓

青州試院次監門韻四首呈同事李無咎補之
簽判王栢立之劉及至父二宰鄭與權存道司

戶李致志道縣丞

朱顏幕府美如英
庇邑優閑閑訟庭
語掾氣剛工論事
講郎材拙只橫經
相從此地初披霧
却望遙天想聚星
速發試題乘不備
毋令掩耳及驚霆

東秦人士富豪英
鄉老賓賢上帝庭
玉笋未知誰得地
金羸聞說賸通經
雄夸氣各干雲漢
妙製文多煥斗星
水鏡諸公標鑒在
大聲從此起非霆

樽酒重陽泛菊英
此時應得到家庭
奔趨試席雖深貫

囚鑠文闡苦未經夢入故園時
栩栩愁侵衰鬢欲星星
評文賴有金閨彥敏手從來號震霆

前山雲物望英英拘窘無從出戶庭
蓋衆未知除患術
居閒聊喜衛生經客塗滯滯將彌月
王事勤勞每戴星
已恨歸期誤占鵲阿香何苦更飛霆

再次韻四首呈至父

茂宰才名莫與京久宜遷擢潤朝廷
儒林傳記夸三篋
聖域淹通貫十經
豪縣暫頒天子詔清資已應議郎星

危言峻節他年事肯向威顏懾震霆

棘繞重門晝亦扃白袍搖筆坐中庭
摘詞繇密多根道
論事軒昂各傳經學博素推通德里
名高先動進賢星
知誰吉夢如揚輦一石龍駒落大霆

文卷縱橫未易名欲搜佳筆送王庭
去留彼我心無著
工拙錙銖眼盡經老信虛名真畫餅
忙知急景甚飛星
自憐考閱專精甚不覺猝然柱破霆

披卷疲勞亦暫停相攜款款睇聚閒
庭繪圖細閱吳生品

茗盃分評陸子經勝帖未應憑主第文窮端已送奴星
球場繫鎖驚踰月可信流光甚疾靈

出院有期呈同院二首

門前輿馬已紛紛猶爾癡迷校藝文山色未容飛蓋賞
市聲時得隔牆聞裴頭黃尾皆前定王後盧前謾自分
頗憶安居卧齋榻淨看香霧起微焚

旅懷牢落倦文場憲網拘攣出處妨眼力半消嫌夜燭
腰圍頓減怯秋霜到家會是揚三喜取第誰同郭八郎

趣駕莫孤餽酒會東籬菊蕊已金黃

次韻祝守康鹿鳴宴贈諸先輩

清香畫戟燕儒流
場籍英材喜博收
奮袖談辭爭落落
振衣矩步更秋秋
新篇獎激華如袞
公議歸懷綴若旒
藥榜登榮即從政
定知果藝過由求

觀光六十富豪英
賓送春闈屬鉅卿
樂采舊知多藻菲
燕教今喜食蒿華
糊名選藝無私見
置醴優賢有頌聲
成就旋歸充貢職
魯人歆艷始知榮

次韻祝邦直廷題飲鳳泉

萬里溪源出小池
喬林修竹映清輝
遷鶯榜內偏留落
飲鳳泉邊習遁肥
遊覽忽紆都騎貴
稱夸更得綵毫揮
故山水石那優此
肯為低腰便賦歸

示友鄉

飛藿蕭蕭晚自零
來時灌木始欣榮
每因勸學添文思
却為回文動旅情
好逐諸儒勤釋菜
莫憂貧嫂便轅羹
似聞闕澤中宵夢
月裏分明有姓名

次韻若拙碧線泉

掉繚穿橋一線過，濟南金色漫浮波。
共疑園客春投繭，直恐針神夜過河。
貫脫已遺交甫珮，縷飛如擲幼輿梭。
晚風披拂俄中斷，折戟雖長苦不多。

諸生詣府見留再任偶作示勉夫二首

魯堂詩禮號多儒，丈席非才誤詔除。
賢路久妨顏已厚，儒宮相借計誠疎。
化鵬未敢圖飛翼，搏虎誰能復下車。
詣府自言無以稱，空銜諸彥意勤渠。

安閒喜得伴林居分教無功恨有餘
閔貢政為投劾計何蕃空上乞留書
論文每愧瑕疵汝廷譽何煩俎豆予
誰識白雲千里念終更計日望吾廬

